

山左金石志

山左金石志卷第二十四

岳州兼都察院右都御史總督湖北湖南等處地方宣務兼理糧餉前嶺巡撫加三級疊沅

同撰

內閣學士兼禮部郎中前書行吏 齊國蘭事授翰林省學政前岷學政加三級阮元

元石

代祀曲阜孔廟碑

後至元元年閏十二月立八分書篆額碑高五尺七寸廣二尺四寸在曲阜縣孔廟

右碑額題代祀闕里孔子廟碑四行字徑三寸文二十行字徑八分案元史順帝本紀至元元年五月遣使者詣曲阜孔子廟致祭而不書使者姓名殆卽此碑撰文之王思誠也碑爲思誠撰周伯琦書信思誠篆額史稱王思誠由國子助教改翰林國史院編修官尋升翰林應奉文字不

山左集卷之二十四
言官翰林修撰同知制誥史之畧也周伯琦在至正以前
由南海主簿三轉爲翰林修撰史亦不言其爲翰林國史
院編修官伯琦工六書之學擅名當時八分書刻之山左
者僅見此碑結詣純正點畫皆從六書中來擅名之語誠
不誣也

堂邑縣子邱公墓碑

後至元二年正月立正書碑高七尺八寸廣三尺二寸在
堂邑縣城北邱公墓上

右碑額未拓文二十八行字徑一寸劉允祖撰并題額馬
義容書丹

武斌墓碑

後至元二年二月立并碑陰額俱正書碑高二尺五寸廣

二尺在嘉祥縣二龍山

右碑未見拓本以朱明齋所載錄之額題武斌之墓四字橫列字徑三寸文十七行李珪撰書碑陰上刻宗族之圖自武斌二配及子女等名氏橫列書之

沂山代祀碑

後至元二年二月立并額俱正書碑高五尺二寸廣二尺三寸在臨朐縣沂山東鎮廟

右碑額題代祀記三字橫列字徑二寸五分文十七行字徑一寸一分劉思誠撰劉思文書丹篆額案寧宗卽位之初尊文宗皇后爲皇太后順帝至元元年八月尊爲太皇太后十二月奉冊寶上尊號曰贊天開聖徽懿宣昭貞文慈佑儲善衍慶福元太皇太后蓋十八字尊號也此碑云

八山志卷之二十四
贊天開聖仁壽徽懿宣昭只十字殆是初尊皇太后所上之尊號皇太后冊寶是至元元年二月所上尊號十字史無明文得此可以補闕

東平路學田記

後至元二年二月立并陰及額俱正書碑高六尺二寸廣二尺四寸在東平州學

右碑額題東平路學田記二行字徑四寸陽文文十九行字徑一寸孔顏孟三氏子孫教授張瀚撰張溥書并題額碑陰上層刻官銜十二行下刻學地四至凡三十一行字徑九分孔顏孟三氏子孫教授其姓名之見于闕里文獻考者只進士楊庸一人見於曲阜縣志者又得張額楊演二人而張瀚無考可據是以補二書也瀚於泰定四年爲

曲阜林廟學正不知何年來此教授碑爲五十二代孫本
路儒學教授孔之威立案闕里文獻考載五十二代孫孔
之威字溫甫官費縣尹而不言其曾爲東平學教授亦考
之畧也

岳氏宗塋碑

後至元二年三月立高廣尺寸未詳在齊河縣北岳氏墓
上

右碑未見拓本據朱朗齋所錄載之撰文者姚燧書丹者
劉廣象額者張養浩碑敘岳武穆王之弟諱傑贅于齊河
鄧氏因家焉卽岳寧之祖也今武穆墓在錢塘子孫世守
而不聞其先又有齊河一支是可爲岳氏譜牒之助也

靈岩寺舉公提點塔銘

後至元二年四月立正書碑高三尺四寸廣二尺四寸在長清縣靈岩寺

右碑額題舉公提點塔銘三行字徑三寸五分文祇半截二十六行字徑八分沙門古淵撰定巖書

靈岩寺國師法旨碑

無年月梵書譯文正書篆額碑高四尺四寸廣二尺二寸五分在長清縣靈岩寺

右碑額題大元國師法旨三行字徑二寸五分上層刻國師法旨梵書十二列下層譯文二十五行字徑八分按壽斂泰山道里記稱靈巖寺千佛殿前後壁勒宋元明碑有元蛇兒年國師法旨碑蒙古字今驗此碑是西僧梵書非蒙古字以無年月可系姑附舉公塔銘之後

昭烈皇帝廟碑

後至元三年二月立正書碑高五尺八寸廣二尺八寸在恩縣城北拱辰門外昭烈廟內

右碑文二十七行字徑五分王士元撰并書篆

李氏先塋碑

後至元三年三月立正書碑高八尺六寸廣三尺六寸在濟陽縣

右碑篆額未拓文二十四行字徑一寸張起岩撰揭侯斯書楊億篆額起巖章邱人其結銜以史考之乃順帝嗣位之初遷翰林侍講學士知制誥兼脩國史修三朝實錄加同知經筵事碑與史異者惟知經筵事不加同字耳揭侯斯史不稱其善書其書刻于山左者亦僅見此然書體秀

整氣局展拓可與趙文敏相埒也結銜與史異者初授翰林國史院編修官在延祐初年繼遷翰林待制在元統初年史未言其仍兼國史編修也楊倍史無傳惟李謙撰楊文安公神道碑載子男三人次曰僖疑卽其人

任城郡公札忽兒解墓碑

後至元三年三月立正書碑高五尺五寸廣二尺二寸在濟寧州城西三里

右碑題大元封中奉大夫河南江北等處行中書省參知政事護軍任城郡公札忽兒解之墓三行字徑四寸三分左旁中書平章政事翰林學士承旨知制誥兼修國史奎章閣大學士銀青榮祿大夫涼國公趙世延書一行右旁至元三年歲在丁丑三月吉日中奉大夫荆湖北道口口

使男世朝立石一行俱字徑一寸

平原縣重修宣聖廟碑

後至元三年四月立正書篆額碑高七尺一寸廣二尺六寸在平原縣學

右碑額題平原重修宣聖廟碑二行字徑三寸二分文二十四行字徑一寸王士元撰并書篆

孟廟興造記

後至元三年六月立并陰俱正書篆額凡三石合爲一碑高五尺四寸廣三尺四寸在鄒縣孟廟

右碑額題鄒國亞聖公廟興造記三行字徑四寸四分文二十六行字徑一寸二分鄭質撰孔克欽書楊守義篆額碑陰額題同立石題名記六字徑三寸二分下列官衛士

庶姓名十五行字徑五分

重修尊經閣碑

後至元三年六月立正書篆額碑高八尺廣二尺九寸五分在濟寧州學尊經閣

右碑額題重修尊經閣記二行字徑四寸二分文二十四行字徑九分王宜振撰尚甘澍書丹張起岩篆額

諸城縣重修廟學記

後至元三年八月立八分書碑高八尺八寸廣三尺一寸在諸城縣學

右碑篆額未拓文二十三行字徑八分末有小字石匠姓名碑文書篆皆出李洞之手元史傳云洞字漑之滕州人作爲文辭如宿習者姚燧力薦于朝文宗方開奎章閣延

天下知名士充學士員河特授奎章閣承制學士同修經
世大典書成謁告歸其爲文奮筆揮灑迅飛疾動汨汨滔
滔思態疊出俯居濟南有湖山花竹之勝作亭曰天心水
面尤善書篆隸草真皆精詣爲世所珍愛者今驗此碑文
與書洵不誣也

北海縣齊潤行祠碑

後至元三年十月立正書碑高五尺三寸廣二尺三寸在
濰縣

右碑篆額未拓文二十二行字徑八分陳繹曾撰王賁書
并篆案今之濰縣在元時爲北海縣與昌邑同屬於濰州
而隸於益都故碑題稱北海而結銜有濰州諸官也碑上
角空處有洪武三年正統五年重立字

靈巖寺容公禪師塔銘

後至元四年三月立正書篆額碑高五尺五寸廣三尺二寸在長清縣靈巖寺

右碑祇存上截額題無爲容公禪師塔銘四行字徑四寸四分文二十九行字徑九分末年月題名字徑六分釋德慧撰書人名殘缺

靈巖寺揮公塔記

後至元四年五月立正書篆額石高二尺四寸廣二尺四寸在長清縣靈巖寺

右碑祇存上截額題揮公提點塔記橫列字徑三寸文二十三行字徑八分撰書姓名皆缺

創建洙泗書院記

無年月正書篆額碑高七尺五寸廣三尺三寸在曲阜縣城東北洙泗書院

右碑額題荆建洙泗書院之記二行字徑三寸五分宋元隆撰蔡思中書東野潛篆碑無立石年月以文有至元後戊寅八月之邪終語是爲後至元四年也邪終二字未詳何義

膠西郡王范成進墓碑

後至元四年十一月立正書在濰縣西北

右碑殘碎分爲三石尺寸行數皆不能計撰書人姓名亦缺

慶壽二大字石刻

碑無時代高七尺廣八尺五寸在曲阜縣舊縣城外

右刻慶壽二大字正書徑六尺橫刻其額有古篆書十六
字徑三寸大半漫滅慶字右刻燕山任筠時七十五歲書
辛□□□馬克明□正書一行字徑三寸壽字左刻至聖
五十五代孫世襲曲阜尹監八分書一行徑二寸案至聖
一行尹監下缺其名以志攷之五十五代孫孔克堅襲封
衍聖公其同時昆弟行讓曲阜縣尹者至元四年則孔克
欽任至正十四年則孔克昌任皆五十五代孫也此碑缺
名不能定其人且無年月可系姑附于至元四年孔克欽
任縣尹之日蓋克欽在官頗多興建摹勒巨碑宜所樂爲
也

曲阜縣孔廟御賜尚醞釋奠碑

碑無年月正書篆額碑高四尺八寸廣二尺四寸五分在

曲阜縣孔廟

右碑額題御賜尚醞釋奠之記二行字徑三寸文二十二
行字徑一寸梁宜撰文東野潛書蔡思中篆案碑云後己
卯正月皇帝田于柳林以上丁在邇出上尊酒釋奠于闕
里遣御史從事臣高元肅驛致之稽之元史本紀二事皆
不書碑無立石年月今以其事在己卯上丁則至元五年
二月也

錦州同知李之英墓誌銘

後至元五年二月立行書篆額碑高七尺三寸廣三尺五
分在鄒縣西北田山墓上

右碑額題錦州同知李君墓誌銘三行字徑三寸二分文
三十行字徑八分陳繹曾撰孔之威書張恒篆陳繹曾元

史有傳稱其官至國子助教而不詳何年以此碑結銜及至元七年修學碑銜名攷之則先爲助教後爲國史院編修史云官至國子助教者非也李之英以元統元年九月賜進士出身是年賜及第者爲李齊稽之順帝本紀竟不書御殿策士之事且甲科爲右榜乙科爲左榜亦選舉志所不詳是皆可以補史也

尼山書院碑

後至元五年五月立并陰俱正書篆額碑高一丈一尺六寸廣三尺五寸在鄒縣尼山書院

右碑額題尼山書院碑銘二行字徑四寸文二十八行字徑九分末銜名四行字徑五分陳繹曾撰任擇善篆李彥博書碑陰上下兩層官吏姓名凡九十四人

聖心泉記

後至元五年七月立八分書篆額碑高六尺七寸廣二尺五寸在齊東縣城西延安鎮

右碑題聖惠泉記橫列字徑三寸文十四行字徑一寸四分張養浩撰趙孟頫篆楊億書案養浩卒於天歷二年孟頫卒於至治二年是立碑之年諸人皆不在世矣楊億元史無攷

曲阜縣宣聖廟記

後至元五年八月立正書篆額碑高五尺七寸廣二尺五寸在曲阜縣孔廟

右碑題大元祀曲阜宣聖廟記三行字徑三寸上截祝文二十二行字徑八分謝端奉敕撰下截記文銜名共二十

三行字徑七分無撰人姓名張起巖書丹并篆額

敕修曲阜宣聖廟碑

後至元五年十一月立并碑陰俱正書篆額碑側行書碑高一丈六尺六寸廣五尺七寸厚二尺在曲阜縣孔廟奎文閣後

右碑額題大元敕修曲阜宣聖廟碑二行字徑六寸文四十三行字徑一寸一分歐陽元奉勅撰巉巉奉敕書張起巖奉勅篆碑陰刻御史臺臣姓名橫分二列凡三十五行字徑一寸二分下截左右角有明人題名共十三行中有詩二行不全并無時代姓氏碑側有任忠至正廿二年題記行書六行徑一寸五分

齋東縣重理廟學碑

後至元五年十一月立正書碑高一尺四寸五分廣二尺五分在齊東縣學

右碑文三十三行字徑八分李惟彥記無書人姓名

平陰縣子龔秀神道碑銘

後至元五年十一月立正書碑高四尺八寸廣三尺在平陰縣會仙山麓

右碑額未拓文二十三行字徑一寸一分康若泰撰秦起祖題額并書又有拓本一紙刻元統三年追封制詞十一行亦正書徑一寸五分未知是陰否

知高唐州致仕邱楫神道碑

後至元五年立正書碑高七尺九寸廣三尺四寸在堂邑縣城北邱氏墓上

右碑篆額未拓文三十一行字徑九分李興撰口國維書
丹郭士文篆額

龍山王氏先塋殘碑

後至元六年三月立正書碑高六尺四寸廣二尺一寸在
濟南府城東龍山鎮之西北

古碑殘闕文存十四行字徑一寸無撰書人姓名

重修靈應觀碑

後至元六年四月立并碑陰俱正書篆額碑高五尺八寸
廣二尺八寸在章邱縣女郎山之麓靈應觀

古碑額題重修靈應觀記三行字徑三寸五分文二十三
行字徑九分鹿思固撰田頤正書彭尚篆額碑陰額題宗
派之四四
一列徑三寸上有刻真君宗派下層官職士

庶姓名縱橫列之字徑七分

慕容氏先塋碑

後至元六年五月立正書碑高五尺六寸廣三尺在城武

縣西五里南魏村

右碑篆額未拓文二十四行字徑六分大半殘缺歐陽元
撰伯顏書□□篆額碑立於至元六年以碑中有至順
元年字知爲順帝後至元六年也

增修濟寧路治記

後至元六年七月立正書碑高三尺廣二尺四寸舊在濟

寧州治

右碑原石已佚朱朗齋從李鐵橋家借舊藏搨本錄之文
二十一行撰文者爲濟寧路儒學教授孫居謹及後所列

諸官姓名皆可補州志職官之畧

五十三代衍聖公孔治神道碑

後至元六年七月立正書篆額碑高八尺九寸廣二尺九寸在曲阜縣孔林

右碑額題大元故中議大夫襲封衍聖公神道碑銘四行字徑三寸文二十七行字徑八分蔡文淵撰李庭實書楊僖篆

釋奠宣聖廟碑

後至元六年八月立正書篆額碑高四尺六寸廣二尺在曲阜縣孔廟

右碑額題大元釋奠宣聖廟之記三行字徑二寸文二十入行字徑五分周伯琦撰并書篆

靈虛宮封劉真君碑

後至元六年十一月立正書碑高七尺八寸廣三尺一寸
在掖縣靈虛宮

右碑篆額未拓上層刻至大三年制詞下層文十八行字
徑一寸二分元顏壁譔姜象先書丹篆額

鄒縣修學碑

後至元七年二月立正書篆額碑高八尺二寸廣二尺九
寸在鄒縣學

右碑額題鄒縣修學之記二行字徑三寸四分文二十五
行字徑一寸陳繹曾撰張起巖書王士熙篆案史繹曾字
伯敷處州人官至國子助教而不詳其嘗官翰林院國史
編修官可據此碑以補史也至正改元在辛巳年正月己

酉朔此碑立于二月而猶云至元七年者豈改元之詔其時尚未頒至耶

靈巖寺勅建龍藏殿記

至正元年二月立行書篆額陰正書碑高八尺二寸廣三尺一寸在長清縣靈巖寺

右碑額題大元泰山靈巖禪寺龍藏殿記三行字徑三寸五分文二十四行字徑一寸末有石工姓名一行張起巖撰并篆額張蒙古台書陰刻施鈔人名凡二十六行字徑八分

重建東嶽行祠碑

至正元年三月立正書碑高六尺廣二尺九寸在濰縣東嶽廟

右碑篆額未拓文十九行字徑一寸楚惟善撰張完者篆
徐鞏書

贈冠州知州韓君墓誌銘

至正元年三月立正書碑高八尺八寸廣三尺四寸在莘
縣

右碑篆額未拓文二十四行字徑一寸撰書篆額人名皆
闕

濟寧鄭公墓碑

至正元年六月立正書碑高三尺七寸五分廣二尺一寸
在濟寧州城東接駕庄鄭公墓上

右碑首題大元二字橫列字徑四寸中題字三行字徑二
寸左刻年月及立石三人名字徑九分

重修嶽廟神門碑

至正元年立并碑陰俱正書篆額碑高六尺六寸廣三尺
在萊蕪縣東嶽廟

右碑額題重修嶽廟神門之碑二行字徑二寸五分文二
十入行字徑一寸一分李世傑撰樊彝書趙元佐篆額碑
陰額題協贊善事四字橫列徑三寸五分下刻官吏士庶
姓名不計行數字徑八分文稱至元庚辰春詔曰名山大
川嶽鎮海濱俾諸吏職聿修祀典此語不見于本紀亦不
詳于祭祀志蓋史文之畧也陰內有寶成通利富國昆吾
元固等監皆萊蕪鐵冶提舉所轄而百官志不備皆可據
碑以資考證也

平縣創建崇經閣碑

至正元年九月立正書碑高六尺廣三尺三寸在鄒平縣
學崇經閣下

右碑篆額志拓文二十二行字徑一寸王文燧撰必申建
而書張起巖篆額末有鐫工姓名

靈巖寺讓公禪師道行碑

至正元年十一月立行書篆額碑高五尺二寸廣二尺四
寸在長清縣靈巖寺

右碑額題息菴禪師道行碑記四行字徑二寸二分碑文
爲日本僧印元撰書中奉大夫圓照普門光顯大禪師益
吉祥篆額中奉大夫乃文散官從二品階僧職之有官階
者僅見于此

靈巖寺提點貞公塔銘

至正元年十一月立行書篆額碑高四尺二寸廣二尺四寸在長清縣靈巖寺

右碑額題明德大師貞公塔銘四行字徑二寸二分文二十五行字徑八分沙門定巖撰福廣野雲書并篆

創建尼山書院碑

至正二年正月立正書篆額碑高七尺六寸廣三尺在鄒縣尼山書院

右碑額題創建尼山書院之記二行字徑三寸二分文二十九行字徑八分虞集撰衍聖公克堅書張起巖篆

磁陽縣尹房公墓誌銘

至正二年三月立正書碑高五尺九寸廣二尺五寸在滋

陽縣

右碑篆額未拓文二十三行字徑八分王用誠撰汪澤氏書張恆篆

房氏先塋殘碑

無年月正書石高二尺四寸廣二尺五寸在滋陽縣

右碑文已殘缺難辨行數姑附房公墓誌之後以俟攷

重修伏羲廟獻殿碑

至正二年八月立行書篆額碑高八尺三寸廣二尺九寸

在鄒縣

右碑額題重修伏羲廟獻殿碑二行字徑二寸四分文二

十三行字徑一寸楊鐸撰楊琬書丹岳出謀篆額

致奠曲阜孔廟碑

至正二年十二月立正書篆額碑高六尺五寸廣二尺二

寸在曲阜縣孔廟

右碑額題大元致奠孔子廟碑四行字徑三寸文二十行
字徑一寸郭孝基撰陳繹曾書王士熙篆

濟南路廟學新垣記

至正二年十二月立行書篆額陰上截正書下截行書碑
高六尺六寸廣二尺七寸五分在濟南府學

右碑額題濟南路廟學新垣記四行字徑四寸二分文二
十行字徑一寸末有石匠姓名張起巖撰文肅訥書丹史
經篆額陰上刻銜名十五行字徑九分下刻亦銜名二十
二行字徑九分

昌平山題字

至正三年正月立正書屋高五尺廣一尺七寸在鄒縣東

北昌平山

右刻題永真觀三字徑一尺七寸至正三年正月日記一行徑三寸

重建龍山觀碑

至正三年三月立正書碑高六尺五寸廣三尺在益都縣城西石家巷村觀中

右碑篆額未拓文二十五行字徑一寸周德治撰宋道和書并篆

東平州學重新雅樂記

至正三年四月立并碑陰俱正書篆額碑高七尺三寸廣二尺四寸在東平州學

右碑額題重新雅樂之記二行字徑三寸文二十一行字

徑九分王惟賢撰書楊理篆額碑陰上層刻雅樂名件十
行下層官吏姓名七行字徑並一寸二分末有石工姓名
聞韶臺重修聖廟記

至正三年七月立八分書碑高五尺八寸廣二尺六寸在
濟陽縣東北曲隄鎮聞韶臺

右碑篆額未拓文亦祇半幅十四行字徑一寸三分王士
熙撰張起巖篆楊偉書

子思書院新廟碑

至正四年二月立八分書篆額碑高一丈一尺六寸廣二
尺五寸在鄒縣子思祠

右碑額題子思書院新廟之記二行字徑三寸二分文二
十三行字徑一寸末當名二行正書徑九分潘廸撰并書

孔克堅篆額迪精于篆隸官國子司業時嘗撰石鼓文音訓此碑所書正與石鼓碑同元史無迪傳碑云朝列大夫前國子司業據音訓碑至元己卯結銜是奉訓大夫國子司業案元史百官志國子司業正五品階是奉政奉議若奉訓是從五品階音訓碑所列官階與史志皆不合此碑云朝列大夫是從四品階既升而仍列前國子司業銜不可曉也孔克堅以後至元六年襲封衍聖公闕里文獻考不詳其未襲封時爲國子監諸生以此碑及音訓碑攷之是至元五年潘迺爲司業而孔克堅爲諸生故碑云衍聖昔嘗執經成均也識此以補闕里考所未備

泰安州重修宣聖廟碑

至正四年閏二月立并碑陰俱正書碑高五尺一寸廣二

尺五寸在泰安府學

右碑未見拓本據朱朗齋所錄載之文二十六行字徑八分張從仁撰王昇書張起巖篆陰刻官吏士庶姓名不計行數字徑六分

常山神祠感應碑

至正四年三月立正書碑高二尺八寸廣一尺七寸在諸城縣常山神祠

右碑文十九行字徑六分張恕撰張思祖書丹

東平總管劉修德善政碑

至正四年三月立并碑陰俱正書篆額碑高一丈四寸廣三尺五寸在東平州署

右碑額題大元東平總管劉公善政碑三行字徑四寸

文二十八行字徑一寸一分潘迥撰王士點書胡祖廣篆額碑陰額題官民題名正書二行徑六寸下刻官吏姓名十二列字徑九分

重修龍祠記

至正四年四月立正書篆額陰行書碑高三尺九寸廣二尺四寸在樂安縣神祠

右碑額題千乘重修龍祠之記四行字徑二寸文十九行字徑一寸程益撰張士謙書李齊篆陰額橫列龍祠碑陰四正字徑三寸下題名十八行字徑八分

文書訥書大靈巖寺額碑

至正四年四月立正書碑高七尺廣二尺三寸在長清縣靈巖寺方山神祠之東

右大靈巖寺四字徑一尺八寸右題奉直大夫山東東西
道肅政廉訪副使文書訥雙泉書至正四年四月十有九
日立按文書訥史志皆不詳其人筆法整嚴神采秀勁元
碑之完善者

洪山詩刻殘石

至正四年立行書在嘉祥縣

右刻已殘缺詩七律二首七絕一首可讀者淺陋不足存
以朱朗齋訪得姑載之

濟寧州學重繪賢象記

至正四年十一月立并陰俱正書篆額碑高六尺六寸廣
二尺六寸五分在濟寧州學

右碑額題重繪賢象之記二行字徑三寸八分文十五行

並無撰書人姓名碑陰額題題名正書二字徑四寸下刻
官銜士庶名凡三列

曲阜縣復聖廟石題銘

至正五年刻八分書石方廣七寸在曲阜縣城內復聖廟
右銘題云雲篆其外玉壽其德瑞翊斯文子孫千億稷塋
遺民爲洙泗主人銘至正乙酉仲冬吉日謹誌凡七行字
徑六分

淄川縣重修廟學碑

至正六年七月立并陰俱正書篆額碑高八尺七寸廣三
尺二寸在淄川縣學

右碑題大元般陽府路重修廟學之碑三行字徑三寸文
二十八行字徑一寸張起巖撰楊宗瑞書趙期頤篆碑陰

橫列官吏姓名字徑八分按史稱張起巖仕順帝朝拜翰林學士承旨知制誥兼修國史知經筵事俄拜御史中丞修遼金宋三史復命入翰林爲承旨充總裁官而不詳何年以此碑證之則初拜承旨等官是至正六年事而其拜御史中丞是至正六年以後事也

興福院碑

至正六年閏十月立并額俱正書碑高三尺二寸廣一尺七寸在清川縣

碑額題建興廟院記六字橫列徑二寸文十八行字徑八分張元煥并書王履和題額

大山山提點塔銘

至正七年三月初立碑石高一尺三寸止三面每面廣一

八二〇 在臨朐縣仰天山支殊寺

石刻凡二十九行字皆大小不等沙門普照撰寶才書

京兆郡侯宗公祠道碑

至正七年立正書碑高八尺三寸廣二尺四寸五分在鄒平縣城西南范莊之東

右碑篆額未拓文二十五行字徑一寸文已磨滅可辨者僅三百餘字篆文書丹篆額結銜全具而姓名皆殘缺無攷

泰定瑞麥圖記

至正七年三月立正書後跋行書篆額碑高二尺四寸廣四尺在濟寧州太白樓下壁間

右碑未見拓本據朱朗齋所載錄之額題泰定丁卯瑞麥

圖七字文十三行在圖之左汪澤民書跋語十四行在圖之右白守忠書後又跋語五行正書劉謙書

石佛閣重立石佛碑記

至正七年七月立并陰俱正書碑高三尺五寸廣一尺六寸在濟寧州城南十二里石佛閣

右碑正面疑是古碑僅存殘字數筆碑陰刻至正七年重立石佛碑記後列官吏等姓名行數未詳

東鎮廟時享記

至正八年二月立并額俱正書碑高四尺五寸廣二尺在臨朐縣沂山東鎮廟

右碑額題時享之記二行字徑二寸文二十行字徑九分果寅書并題額無撰人姓名

尚阜縣孔廟至正代祀記

至正八年八月立正書碑高四尺二寸廣二尺四寸在曲阜縣孔廟奎文閣後

右碑文二十行字徑九分餘董立撰記

平陰縣重建獄祠碑

至正八年九月立正書碑高六尺四寸廣二尺九寸在平陰縣城外東獄廟

右碑篆額未拓文二十四行字徑九分王廷望撰并書丹張徵禮篆額

太原郡伯王公墓碑

至正八年九月立正書碑高八尺廣二尺一寸在兗州府城東南王公墓上

右碑篆額未拓文二十一行字徑一寸歐陽元撰蘇天爵書張起巖篆額按此碑乃王思誠之祖追封太原郡伯王公諱佑之墓碑也撰書篆額皆一時名筆與其父郡侯公墓碑同時建造而撰文則先其父次及此碑文於至正六年爲其母初喪之時碑立於至正八年則服已禫除起爲河間路總管也

太原郡侯王公墓碑

至正八年九月立正書碑高七尺八寸廣三尺在兗州府城東南王公墓上

右碑篆額未拓文三十一行字徑八分歐陽元蘇天爵書張起巖篆額按此碑乃王思誠之父追封太原郡侯王公諱福之墓碑也元史王思誠傳思誠字致道兗州崑陽人

七歲從師授孝經論語卽能家本業農其祖詒詒家人曰
兒大不教力田反教爲迂儒邪思誠愈自力弗懈後從汝
陽曹元用游學大進中至治元年進士第授管州判官召
爲國子助教改翰林國史院編修官尋陞應奉翰林文字
再轉爲待制至正元年遷國子司業二年拜監察御史出
僉河南山西道肅政廉訪司事召修遼金宋三史調祕書
監丞復命爲國子司業超陞兵部侍郎監燒燕南昏鈔忽
心悸弗寧已而母病事畢馳還京師侍疾及丁內艱扶柩
南歸甫禫起爲河間路總管累官至禮部尚書升集賢侍
講學士兼國子祭酒十七年卒謚獻肅史云迂儒而碑作
迂儒者筆誤也山東鄉試題名碑見於濟南府學宮者只
二碑一是至正十年一是至正二十一年獨延祐七年碑

不存王思誠之撰第六賴此碑知之

臨朐縣重修文廟碑

至正八年十一月立正書篆額碑高五尺八寸廣二尺六寸五分在臨朐縣學

右碑額題重修文廟之記三行字徑三寸五分支二十行字徑一寸一分楷宗岱撰篆

臨朐縣學摹刻朱晦菴先生明倫堂銘

至正八年十一月立正書碑高二尺一寸廣二尺九寸在

臨朐縣學

右銘六行字徑二寸四分前後標題銜名六行字徑七分
泰安州學郝塑七十子象記

至正九年五月立并陰俱正書篆額碑高八尺五寸廣三

尺四寸在泰安府學

右碑未見拓本據朱朗齋所載錄之額題泰安州重修廟學記二行字徑五寸文二十五行字徑一寸張從仁撰口口篆額孔克堅書丹碑陰刻官吏銜名十六行字徑一寸一分

諸城常山神祠感應記

至正九年十月立正書碑高三尺七寸廣二尺三寸在諸城縣常山神祠

右碑額未拓文十九行字徑一寸劉惟敬撰并書

曲阜縣復聖廟碑

至正九年十一月立八分書篆額碑高一丈三尺廣四尺在曲阜縣顏廟

右碑額題大元勅賜先師沆國復聖公新廟碑銘三行字
徑三寸四分文二十三行字徑一寸歐陽元奉敕撰張起巖
奉勅書耿煥奉勅篆額

遼泉寺同樂記

至正十年四月立八分書尺寸詳後在曲阜縣遼泉寺

右記未見拓本據朱朗齋所錄載之記刻三石九行十行
不等字徑一寸各高四尺廣一尺五寸又詩二首一石高
一尺六寸廣一尺五寸凡六行字徑一寸跋語五行字不
及寸按記爲孔克欽撰文氣不接似尚未全詩爲克欽之
父思誠所作亦未見出色故不錄

密州重修廟學碑

至三十年四月立正書碑高五尺四寸廣二尺九寸在諸

城縣學

右碑篆額未拓文二十三行字徑一寸秦裕伯撰黃為書
孫思庸篆按志載此碑云所購密州士大夫書籍一十一
十部總一千五十三冊計五千二百三十三卷書名皆鐫
之碑陰然則此碑尚有碑陰惜塌者失之也

曲阜縣歷代沿革志碑

至正十年四月立正書篆額凡三石各高六尺廣一尺八
寸在曲阜縣舊城東門外

右碑額題曲阜縣歷代沿革志四行字徑三寸八分文三
行字徑一寸四分石普撰李奇書楊克明篆

提舉劉公神道碑

至正十年六月立正書碑高六尺七寸廣二尺九寸在掖

縣東北紫羅曠

右碑篆額未拓文殘缺不辨行數字徑八分撰人姓名闕
崔士咸書丹篆額

楊氏先塋碑

至正十年八月立正書碑高八尺三寸廣三尺四寸在掖
縣城北伍城村

右碑篆額未拓文二十六行字徑一寸雅古撰王士熙同
撰馬祖常書張起巖篆額案碑既有雅古撰又有同撰之
王士熙實爲創見文中但云以狀來請于雅古無一語及
士熙尤不可解

汪春墓碑

無年月正書碑高六尺廣三尺一寸五分在掖縣城北平

里店

右碑殘闕殊甚不計行數字徑八分案按縣志載汪春墓云以子貴贈爵賜諭葬碑文僅存父春二字而春之事蹟與其子之官位俱不能詳今據志以此爲元碑而列於楊春祖墓之後姑從之

重修文山秦廟碑

至正十年九月立正書篆額碑高四尺四寸廣二尺四寸在文登縣文山秦廟

右碑額題重修文山秦廟記七字橫列徑二寸三分文二十行字徑一寸朱榮瑞撰劉魏篆朱口書

利津縣學加封孔子制詔碑

至正十年立正書碑高六尺四寸廣二尺八寸在利津縣

學

右碑額未拓上層刻制詔十四行字徑一寸八分下層記
文二十四行字徑一寸張起巖撰段弼書□□申達兒樵
隱題額

新建社學明德齋記

至正十年十月立行書碑高六尺廣二尺四寸在滋陽縣
右碑篆額未拓文十八行字徑一寸盧持中撰王秩書王
汝霖篆額

山東鄉試題名碑

至正十年十月立行書額八分書碑高六尺一寸廣二尺
八寸在濟南府學

右碑額題山東鄉試題名碑記四行字徑三寸八分陽文

上截刻記六不計行數毛元慶撰許或書并題額下截顯
名凡三層

曲阜縣治遷徙記

無年月行書碑高三尺七寸廣一尺七寸五分在曲阜縣
舊治

右碑文十二行字徑八分無撰書人姓名

石門寺重修廟宇碑

至正十年十月立正書碑高二尺七寸廣一尺六寸在臨
胸縣石門寺

右碑文十五行字徑八分無撰書人姓名

文殊寺恩公塔記

至正十一年三月立正書碑高一尺八寸五分凡六面圍

四尺三寸在臨朐縣仰天山文殊寺

右碑文十一行字徑八分後題名年月字體大小不等住持進吉祥撰

靈巖寺慧公道行碑

至正十一年十月立并額俱正書碑高六尺二寸廣二尺八寸在長清縣靈巖寺

右碑額題慧公禪師道行之碑四行字徑三寸陽文文二十九行祇半截字徑八分釋法禎撰思璧書丹題額

重修福山院碑

至正十一年十月立正書碑高六尺四寸廣三尺一寸在萊陽縣福山院

右碑篆額未拓文三十行字徑九分勝吉祥撰張惠珍書

并篆

李西林講堂詩刻

至正十一年十一月刻行書石高二尺廣三尺六寸在臨

胸縣學

國子助教西林先生詩

并敘

教諭孫郁書

余既移病不出有感懷詩二首及行因書於講堂之壁以貽

主人曾公歸來一笑延祐元年冬十月日前主簿東明李鳳書
故園千里渺天涯西望長吟有所思
雒下秋風張翰語
閨中夜月少陵詩
歲豐東土雖云樂
累重南山不可移
已比淵明歸去晚
西風搖落菊花期

人生行處更難忘
從此臨胸是故鄉
但恨不才歸計早
愧無遺愛在甘棠

至正九年冬國子伴讀季生永貞持吾

先君西林先生詩二首謁曰是詩書於臨朐縣學之壁間歲久
墻圯將滅邑之士者思壽諸石使永貞以其詩來且致辭曰思
其人顧其所存者則所思者猶在也今逝者往矣敢以其存者
致諸子則子又存之存者也好文再拜稽首執詩以泣曰昔先
人之在邑不數月而去然能使諸君久而弗忘者豈以情見乎
辭誠之所發有足以動之者耶否則風俗之美不親於來而重
其去厚之至也生其歸矣爲我謝諸君子詩曰維棗與梓必恭
敬止昔先人旣以齊爲鄉里而不能忘則不肖走異日之後得
不以牛山之南穆陵之北爲棗梓乎翰林學士資善大夫兼

太子諭德男好文百拜謹誌

至正十一年仲冬吉日邑人司丞許震文

教授葉榮祖 許介

典史張榮祖

縣尹白惟本

達魯花赤陸實

鄉士李敏 辛瑄 李綱 王思忠

右刻詩敘十二行敘字徑一寸詩字徑一寸四分後跋并
銜名凡二十行字徑六分

重修玉泉院碑

至正十一年十二月立并額俱正書碑高四尺三寸廣二
尺三寸五分在臨朐縣南冶源池玉泉院

右碑額題重修玉泉院記六字橫列徑二寸文二十三行
字徑八分住持進吉祥撰口巖書

重修曲阜景靈宮碑

至正十一年十二月立正書碑高九尺三寸廣三尺二寸
在曲阜縣

右碑篆額未拓文二十二行字徑八分末有刻工姓名石
已碎裂爲五撰書人姓名皆闕

楊氏祖塋碑

至正十二年閏三月立并陰俱正書篆額碑高七尺廣三
尺在濟寧州兩城山

右碑未見拓本據朱朗齋所錄載之額題鄒人楊氏始祖
塋之記三行字徑三寸文二十三行潘士文撰并書楊琬
篆碑陰刻楊氏宗支額上有祖宗之圖四大字

高密縣廟學碑

至正十二年七月并陰俱正書碑高四尺六寸廣二尺六寸在高密縣學

右碑篆額未拓文二十六行字徑八分王思誠撰王文燧書張起巖篆碑陰第一層凡三十二行刻學田四至及樂器書籍第二層凡三十二行刻勅建鄭公鄉八社學四至房屋第三層三十二行刻濰川鄉八社學四至房屋第四層凡三十二行刻務本鄉七社學久敬鄉七社學四至房屋第五層凡三十一行刻龍德鄉五社學四至房屋第六層刻澤民鄉五社學四至房屋第七層刻碑陰記三十二行字徑五分案史稱王思誠字致道兗州嶧陽人至正間由太中大夫河間路總管召拜禮部尚書十二年帝以四方民頗失業命名臣巡行勸課思誠至河間及山東諸路

召集文苑宣帝德意莫不感泣碑所云余適奉旨以農事
至縣正卽其時也

靈陽觀碑

至正十二年十一月立正書篆額碑高五尺二寸廣二尺
六寸五分在泰安縣靈陽宮

右碑額題靈陽觀記四字橫列字徑四寸文二十五行字
徑八分李倬撰王道通篆額王道亨書案碑無年號而紀
歲曰壬辰與至元二年不合文云元貞間遊徂徠山云云
則非世祖時無疑矣惟順帝壬辰是爲至正十二年也

東鎮廟至正代祀碑

無年月正書篆額碑高四尺五寸廣一尺三寸在臨朐縣

沂山東鎮廟

右碑額題代祀記三字橫列字徑三寸二分文二十二行
字徑一寸徐岳撰王思齊書顏浩篆額

碑無立石年月文日至正癸巳正月一日遣官代祀則至
正十三年事也而攷之元史順帝本紀是年五月朔不書
御殿遣官告祭嶽瀆之事蓋元代崇祀嶽鎮海瀆視爲歲
行之常禮史家或書或不書非盡闕闕畧也

平原縣移站碑

至正十三年四月立正書篆額碑高七尺一寸廣二尺九
寸在平原縣

右碑額題移站之記二行字徑三寸二分文二十四行後
列銜名七行分上下二層末鐫工一行俱字徑九分字忽
都不花撰并書郭好仁篆

重修東海神廟碑

至正十三年五月立正書石方廣二尺一寸在掖縣東海神廟

右碑文二十六行字徑六分盧處恭記

扶風郡伯萬德墓碑

至正十三年五月立八分書篆額碑高九尺六寸廣三尺在陽信縣城南萬氏墓上

右碑額題大元追封扶風郡伯萬公之碑二行字徑二寸五分文二十一行字徑九分撰人姓名皆缺

重建五龍堂碑

至正十三年五月立行書篆額碑高五尺八寸廣二尺五寸在濟南府西門外五龍潭

右碑額題重建五龍堂記三行字徑五寸三分陽文文二
十四行字徑八分趙本撰趙世賢書段弼題額

平原縣重修城池記

至正十三年五月立正書篆額碑高四尺八寸廣二尺在
平原縣治

右碑額題平原縣重修城池記四行字徑二寸文十九行
字徑八分謝文禧撰馬天驥書并篆額

呂義倉祭石誌

至正十三年七月立正書碑高一尺一寸廣三尺三寸在
青州府西門外北水溝

右誌文三十行字徑一寸無撰文人姓名曹明道書丹

濟陽縣文廟禮器記

至正十三年八月立正書篆額碑高三尺六寸廣二尺在

濟陽縣學

右碑額題善士郭英助文廟禮器記五行字徑二寸五分
文二十行字徑八分囊加互撰楊洪基書并篆

濟寧路重修文廟碑

至正十三年八月立并陰俱正書篆額碑高七尺廣二尺
六寸在濟寧州學右碑額題濟寧路重修文廟碑二行字
徑三寸二分文十八行字徑一寸二分孔克堅撰劉謙書
胡祖廣篆額碑陰額題正書題名二字徑五寸下刻官吏
姓名二十一行

尼山大成殿四公配享碑

至正十四年三月立并碑陰俱正書篆額陰額同碑高九

尺六寸廣三尺三寸在鄒縣尼山書院

右碑額題尼山大成殿增塑四配享之碑三行字徑二寸五分文二十三行字徑一寸二分危素撰李稷書張思政篆碑陰額題字同前下橫列七層皆刻官吏士庶姓名不計行數第七層左角有洪武三年鄒縣令桂孟率僚屬者士五十五人釋奠尼山七律一首并跋亦正書字徑五分

七聘堂記

至正十四年三月立書體詳後碑高四尺六寸廣二尺四寸在歷城縣城內張文忠公祠

右碑額最上層刻張養浩自壽詞草書十行下題八分書七聘堂記四字橫列徑二寸八分文二十二行正書徑八分蘇天爵撰論立書碑陰上層刻虞集五言古詩一首二

十三行正書徑七分下層刻養浩七絕二首草書大小不
等

濟南郡公張公神道碑

至正十四年三月立正書篆額碑高一丈一尺一寸廣三
尺二寸在歷城縣城東和山前張林

大元封濟南郡宣懿公張公神道碑銘額 三行字徑四寸五分

大元故中奉大夫山東東西道宣慰使贈江浙等處行中書省
參知政事護軍追封濟南郡公諡宣懿張公神道碑銘

賜同進士將仕郎翰林國史院編修官李國鳳撰文

翰林學士承旨榮祿大夫知制誥兼修國史張起巖篆額

大元有名臣故山東宣慰使贈江浙行省參政封濟南郡公張
公卒于至正四年四月八日享壽六十有六越八年當至正十

二年其子元輔以神道之石未示顯刻持公行狀墓誌諡議頓首求文於國鳳凰生也後嘗與先兄御史君拜公於府第竊聽其言論覩其丰采不敢以蕪陋辭噫惟公任保定總管之時抑軍撫民之事最爲特異可稱道者於天歷初

明宗皇帝在北服京師空虛西軍猝至紫荆關戎禦之卒不支而潰百十爲羣入保定界肆剽劫邑居之民衆聚爲城守計得潰卒無良者因挺斃之時知樞密院事也先尼師大軍違城五里而駐給府同知及縣尉與居民百餘人至軍責以擅殺盡戮之血淋漓波道復下令屠城民詢詢思不靖公時以病在告卽屏疾冒白刃突至帳下也先尼怒愈張踞公于前詆曰女欲反乎公從容曰孰敢反耶我病不與知府事已久且軍士不能拒敵而潰逞虐良民此在法所不赦民初不辨誰何倉卒誤格之

至死樞密已刑百餘人償其死復欲屠城中戶不下萬餘萬
一激生他變咎復誰任我寧以身代民死樞密其勿恐民公辨
直氣和也先尼默然爲少沮然猶殺張蔡國公五子解圍而去
命公諭民以不殺故民聞公來歡聲如雷手額以更生相賀烏
虜當是時西北尚未寧謐保定在畿甸間使無知之氓懼禍一
呼則安危未可知也公以一言以定其幾非忠赤之至其能然
乎此不徒爲生民計蓋爲 國家天下計也公既不自伐其能
世亦未有能盡知者此乃公之奇功可不特書而著之乎謹
公諱宓字淵仲濟南人曾大父諱衍以急人之難稱鄉里妣梁
氏大父諱榮故金紫光祿大夫山東行尚書省兼兵馬都元帥
知濟南府事進封濟南公致仕贈推忠宣力正義佐命功臣太
師開府儀同三司上柱國追封濟南王諡忠襄妣宋氏追封濟

南王夫人沈氏齊國夫人父諱邦憲故忠順大夫淮南路總管
贈宣忠秉義功臣中奉大夫河南江北等處行中書省參知政
事護軍追封濟南郡公諡貞毅妣馬氏王氏俱封濟南郡夫人
兩世勳烈載在 國史具于家乘公幼以質子入侍

武皇潛邸賜名蒙古台

上正位宸極卽授公尚沐奉 御嘗燕見便殿有 旨陳古聖
人可法者公進曰臣家濟南帝舜廟在焉舜聖人也因陳舜聖
親數事且曰帝王之德莫大於孝

上嘉納使近臣識之後山東以蝗旱聞遂 命公走舜廟致禱
訖事而兩蝗則盡死還奏稱 旨錫金織衣一襲由是有大用
意

仁宗卽位 詔授公二品官公謙終辭一歲中 詔諭省臣者

四 詔語有曰朕惟張霸都兒昔以五十萬衆歸我

太祖 世祖念其勳勞爵以上公 朕及親覩其孫蒙古台事
先帝久欲職以二品辭不肯受其以三品授之尋遷知滕州及

陛辭

上曰卿猶未官耶公拜謝臣已得郡願自效遂 賜海東青鷹
以寵之滕有昆弟訟財者公開喻以天倫之重民友睦如初杖
豪強柄持官府爲治梗者闔境肅然麥一莖秀至三四穗州人
歌之治遂最口郡入爲度口口口出知南陽府未行轉兵馬司
都指揮使預討帖實赤斤帖木兒逆黨遷彰德路總管蠲民代
輸逃亡三百七十戶之徵科罷民陸運水和炭之費境中舊患
多盜公令村各置鼓盜發則擊鄰村相應亦擊盜驚駭無所於
匿皆逝去擢口北廉訪副使改保定除逃民之賦如彰德加倍

之三免屠城之禍民尤德之至今調真定移平江平江俗健訟積訟牒七百餘既下車剖析畧盡人皆伏其能徵政之財賦司構口口佃其田而州縣一切不得有所繇役皆細民口爲東南弊公詣浙省口罷之省臣以聞詔罷平江杭州集慶提舉司衆賴少蘇今

天子卽位之二年召爲吏部尚書明年拜嶺北行省參知政事皆善於其職未幾以病歸至正三年起爲山東東西道宣慰使山東食鹽爲民口公請復行鹽口以便民益都路增口稅至四千五百定口口口數口令口爲禁止三路十口州民訟久不決者公督攝之六閱月分命有司決絕三千一百八十四事未及引年乞致仕歸濟南於四年四月八月丙寅遘疾卒于正寢以五月八日丙申葬於歷城東和山先塋公配蒙古邁禮吉

○濟南路達魯花赤○列爾之孫監十路總管闕台之女
婦德母儀可爲世範再受封至濟南郡夫人先公五年卒始合
祔焉子一人卽元輔也才幹嗣其家

廕授忠顯校尉奉元路務提領今選松江財賦司副提舉先娶
蒙古氏彰德頑閭中丞之孫女也速倫氏早逝再娶劉氏乃定
安故家劉侯知州仲謙之女性本孝慈善事上下孫男一曰樞
孫女一公葬之三年 制贈中奉大夫江蘇等處行中書省參
知政事護軍追封濟南郡公諡宣懿公性篤於孝弟與人交皆
有終始尤○待賓客而自奉甚儉素平居夷坦宏博不爲崖異
至其爲政則嚴肅明敏吏不能以其所設施必先興學課農爲
教養之本然後支分日比而治其餘故一守劇州四典重郡聲
名常出其上雨暘苗沴無禱不應蓋其致誠之所至及去官以

皆刻石以寄其思烏岸可謂豈弟君子矣鳳旣最公行省有關
國體之大者爲之序仍繫以公詩曰

桓桓忠襄勳冠社稷 帝嗣其庸王此大國允矣貞毅踐履特
特篤生宣懿寔惟蓋臣幼侍 龍輦承譽日聞 皇曰休哉秩
以崇品公逸弗堪持已逾懷出知滕州布政優優愛洽惠周瑞
生來牟迺丞度支迺使兵馬節費宣威聲震獄下相臺戢戢瘳
民之瘥易水瀾瀾救民於死平江之政治劇若閑撫摩愛矜不
專於寬吏戢其姦民樂以安入宰天官守法惟允銓度才否如
尺丈引參政北省宣慰東藩恢我王度綏靖元元未及懸車遂
致其仕榮歸故鄉奄云不起訃聞怛悼靡間邇遐 帝眷不渝
褒贈有如始終存歿其德如一寵賚恩榮世莫與匹歷城之東
和山崔崔勒詞貞珉昭示後來

至正十四年歲次甲午春三月吉日從子景德拜手稽首書丹

孤子元輔立石 孫男樞督工

案縣志載元張榮之墓在和山之陽此碑立于張宓墓上
宓乃榮之孫也榮墓有碑張起巖撰已糜碎元史張榮傳
榮字世輝歷城人歷官與此碑同而不載追封濟南王諡
忠襄子七人第七子邦憲但言官淮安路總管而不載追
封濟南郡公諡前毅孫四十人但稱宏襲邦傑爵改真定
路總管而不載宓官諡則據此碑以補史闕者正多也

重建聖水龍祠記

至正十四年四月立行書篆額碑高五尺二寸廣二尺五
寸在益都縣城東聖水莊龍祠

右碑額題重新聖水龍祠之記四行字徑二寸八分文二

十四行字徑一寸杜翺撰王思齊書李璋篆

清平縣重修廟學碑

至正十四年六月立正書碑高四尺六寸廣二尺五寸五分在清平縣學

右碑篆額未拓文二十行字徑八分楊惠撰王貫書王士元篆額

臨朐縣重修廟學碑

至正十五年三月立正書碑高六尺九寸廣二尺九寸在臨朐縣學

右碑篆額未拓文二十九行字徑九分鄒惟新撰桑之善書李璋篆

煙霞洞碑

至正十五年四月立正書碑高五尺四寸廣二尺七寸在寧海州煙霞洞

右碑篆額未拓上截刻序一篇詩十六絕句凡三十行字徑九分下截刻記并年月銜名凡二十八行字徑八分崔佐書撰秦才篆額

李氏墓門石刻

至正十五年四月立正書額八分書石高一尺一寸廣八尺四寸在樂安縣東南李氏墓上

右碑額題故八不居士李公之塋九字橫列六寸五分行字徑六分王昇書銜名二行在故字左右字徑八分

平昌寺地圖記

至正十五年七月立正書碑高二尺廣二尺六寸在公

縣城北平昌寺

段赤亭益都金石記曰碑云崇真禪院今稱平昌寺之知
改於何代然益都佛刹之古無過於此者

靈巖寺詩刻五種

至正十六年三月刻書體尺寸詳後在長清縣靈巖寺

中統二年六月旦日重遊方山

少林復菴圓照敬題

再到靈巖古道場儼然喬木蔽雲房十分山色四時好一味松
風六月涼老樹挂藤侵石壁落花隨水入池塘主人乞與禪床
卧夢裏似聞天上香

復菴老衲遊山漫興謹賦拙偈

至元十八年清明后十日題

年來乘興一閑游直擬尋山山盡頭之字水從斜磧出羊腸路
到斷崖休古藤依倚巖前樹老木侵欹澗下流啼鳥催歸日將
暮林陰撲翠濕衣裘

至元三十一年孟冬下旬有三日

當山傳法住持法姪桂菴野衲覺達立石

錦川夏中興刊

元好問遊

右一石高三尺二寸濶一尺九寸詩共十二行行二十字
正書徑一寸二分刻工姓名附于末左上角有元好問遊
四字正書徑六分案好問卒年六十八計其時當在至元
初此石立於至元三十一年不知何以此題名也

鄙語寄贈

讓公長老禪師方丈之下發別後之一榮

崢嶸樓閣翼飛騫勝槩傳誇衆口喧泉味溢甘雙鶴瑞山形呈

秀二龍蜿

上方境界埃塵遠絕景亭臺竹樹蕃鐵作袈裟深有義後人于
此要淵源

處約張淑拜手書

至順癸酉仲春末旬七日

當山住持傳法嗣祖沙門義讓 提點思川監寺子貞立

絕頂松風灑醉顏潘輿鶴髮憶平安十年留得題名在淚濕秋

雲不忍看 復游于寺

至元廿四年冬至二日文昌墮淚書

于愛是詩故錄於此息菴上后

右一石高一尺七寸闊二尺五寸詩十八行行十一字正書大小不等

至正癸巳二月吉日夢遊山寺是歲七月到任九月勸農至此恍然如夢中所見因賦鄙語錄呈

靈巖方丈

前進士

紫金山張自明題

清亭忝民牧倏爾兩月餘懇惻理辭訟倉皇行簡書深秋勸農事東馳借宗途有山忽轉宛北然梵王居雲蘿隔煙樹逕闌浮園林巒類拱抱澗壑如交趨松風振巖谷石泉溜庖厨壑龍蛇窟懸崖虎豹區野猿啼町曠海鶴舞庭除僧閑看貝葉客至翦新蔬勝景躋壽域禪房列周廡山前日首望一夢恍相符

至正十五年正月

富山住持嗣烈沙門靈泉野禱謹書立石

右一石高一尺三寸闊二尺三寸詩共二十行十字正

書徑二寸

至正乙未秋九月因公赴山東遊靈巖禪寺

秋晚登臨上借宗扶筇來此訥崆峒閑雲送雨過深洞老僧將
雛度遠空白石清泉心未了黃花紅葉思無窮
夢歸隱知何日坐想青山入夢中

靈巖山房尋同年長清縣尹張君德昭不遇

慈恩塔上題名後京國分携十四年夢想故人詩句裏坐看
菊酒杯邊停雲藹藹秋容澹落葉蕭蕭客恨偏
獨倚禪房重搔首又鞭歸騎過前川

丙申春三月海嶽降

御香回重遊靈巖次趙明叔詩韻

石徑穿雲雨意涼
乘輶重過老僧房
門前古柏凝新翠
巖畔幽花散異香
鶴舞雙泉春水淥
龍歸深洞暮山蒼
禪心久矣無拘礙
笑我狂游去遠方

前進士應奉翰林文字承事郎同知 制誥兼 國史院編修
官傅亨題時弟益男文炳侍行去

右一石高一尺一寸闊二尺二寸詩共二十六行行十二
字正書徑八分

宿靈巖寺

一榻借禪房
窻虛風露涼
詩魔摧夢醒
王事促行忙
人闕東西戶
僧歸上下方
山中無刻漏
倍覺此宵長

翰林李傑書 當山住持妙恭立石

右一石高一尺二寸廣一尺七寸詩共九行行六字行書

徑一寸末立石一行正書徑八分

崧山太元觀碑

至正十六年八月立正書篆額碑高六尺廣二尺五寸在
滋陽縣滋陽山

右碑額題崧山太元觀記二行字徑二寸五分文二十行
字徑一寸二分張世傑撰并書王思誠題額

復手植檜銘碑

至正十七年立正書碑高三尺廣二尺在曲阜縣孔廟
右刻文十四行字徑一寸張頌撰銘

祭罕帖木爾祭孔廟碑

至正二十一年立正書碑高三尺六寸廣二尺在曲阜縣
孔廟

右碑文十九行字徑八分案碑所刻乃至正二十一年九月察罕帖木爾領兵平山東諸寇遣官祭告孔子及四配祝文案自至正六年山東盜起七年漫延濟寧滕邳等處十七年二月韓林兒黨毛貴陷山東諸郡邑七月鎮守黃

河義兵萬戶田豐叛降于韓林兒陷濟寧路中書分省石丞實理門遁義兵萬戶孟本周攻田豐豐敗走本周遁濟寧十二月詔諭濟寧李秉彝田豐等令出降十八年二月田豐復陷濟寧路至是年六月陝西行省之丞察罕帖木兒謀知山東群賊自相攻殺而田豐降於賊乃自散至大會諸將鼓行而東八月至鹽河遣其子擴廓帖木兒及諸將以精卒五萬擣東平東平偽丞相田豐遣崔士英出戰大破之察罕帖木兒以田豐據山東久軍民服之乃遣

書諭以順逆之理豐及東平賊王士誠皆降遂復東平濟寧其祭孔廟也在九月九日則知其克復東平濟寧僅一月間事耳山東盜起已久碑云梗我王化垂及五念者專言韓林兒田豐等之陷濟寧在至正十七年至是五年也平章中丞祀曲阜宣聖廟記

至正二十一年十月立八分書碑高七尺二寸廣三尺一寸在曲阜縣孔廟

右碑篆額未拓文二十行字徑一寸二分孫翥撰完書
閻思孝篆

案元史順帝紀至正二十一年正月遣使往諭察罕帖木兒罷隴蜀兵三月察罕帖木兒調兵討永成縣又駐兵福州六月察罕帖木兒總兵討山東發晉寧下井陘出邯鄲

過磁相懷衛踰白馬津發其軍之在汴梁者繼之水陸並
進七月平東昌復冠州八月遣其子擴廓帖木兒閔思忠
等會關保虎林赤等將兵由東河造浮橋以濟拔長清討
東平遣使招諭田豐降東平平令豐爲前鋒從大軍東討
棣州俞寶降東平王士誠東昌楊誠等皆降魯地悉定進
兵濟南劉珪降遂圍益都史文如此碑敘其事皆合也既
定魯地之後乃遣官詣曲阜以太牢祀孔子儼然以王師
專征自命而撰文者猶能以奉詔提師拯民爲辭則立言
有體矣

濟寧州重修廟學碑

至正二十四年十一月立并陰俱正書篆額碑高七尺六
寸廣二尺八寸在濟寧州學

右碑額題重修廟學之記二行字徑三寸文二十行字徑一寸孔希學撰史銓篆額碑陰刻官吏工匠等姓名及所修殿廡與祭器等凡三層

魏元禮代祀閭里記

至正二十五年立正書碑高四尺六寸廣二尺五寸在曲阜縣孔廟

右碑額未拓文二十一行字徑八分魏元禮撰林儀書并題額

潘繼祖靈泉廟詩刻

至正二十六年十一月刻正書石高一尺三寸廣一尺八寸在博山縣靈泉廟壁間

般陽直坤之維五十里許

順德夫人之祠在焉其靈感尤異愚尹般陽僅二載凡兩至祠
下有禱應因作詩八韻以荅

神休用刻諸石而藏之庶庶來者知所景慕云詩曰

孝感通天地休風貫古今外揚

靈炳炳內蘊

德愔愔順用陰柔道冥符富媪心荒年能作稔旱月解爲霖

懿範豐碑載

神功奕世欽山閨堂廡麗泉涌殿基深祠祭方千里香縉日

金作詩稱

盛美盼蠶冀

神歆

奉議大夫般陽路總管府口口口管本路諸軍奧魯管內勸農

知防禦事潘繼祖頓首百拜貢上

大元至正廿六年歲次丙午冬十一月吉日立

換刻朱亮

右詩刻凡十八行字體大小不等

關帝廟碑

至至二十七年八月立正書篆額碑高四尺四寸廣二尺四寸在萊州府城關帝廟

右碑額題顯靈義勇武安英濟王記五行字徑二寸文二十四行字徑八分浙東進士□□濟撰滕權篆額莊儼書

丹

祭罕普華于佛山題名記

無年月正書崖高一尺六寸廣二尺五寸在歷城縣城南

千佛山

右題名已磨滅存字十行徑二寸案元史百官志國初立提刑按察司四道首日山東東西道至元二十八年改按察司曰肅政廉訪司此題名有山東東西道肅政廉訪司是在至元二十八年以後無疑矣元史有兩察罕傳一仕太祖憲宗朝終都元帥領尚書省事一仕世祖仁宗朝歷官平章政事商議中書省事又有察罕帖木兒順帝至正二十二年征田豐爲王士誠所刺此題名察罕普華雖不見于史傳要知其爲元人無疑矣因附于至正之末

壽聖院經幢

無年月正書高三尺六寸凡八面圍四尺八寸在歷城縣

龍洞壽聖院

右幢無建立年月朱朗齋定爲元時所刻

可公塔碑

無年月正書石高一尺五寸廣一尺七寸在鄆城縣

右題字三行字徑四寸無時代年月書人姓名據朱朗齋
所錄存之

儀徵阮亨梅叔校